



tearfund.ch

Hinsehen. Handeln.

Wär weiss, wases wüekli bedüetet

TearFund-Input zur Corona-Zeit von Sandra Gerber

Sandra Gerber, Verantwortliche für die Sensibilisierung im Bereich Jugend bei TearFund Schweiz fasst ihre Gedanken zur heutigen Not vieler Menschen in Worte - unten der vollständige Text. Sie kommt an ihre Grenzen, das nötige Mitgefühl aufzubringen, denn selber ist sie nicht direkt betroffen.

Ist letztendlich jeder sich selbst überlassen in seinem Leid? Ob durch die Folgen von Corona, durch Katastrophen, Kriege oder Ausbeutungen; Gott alleine, der jeden Menschen bedingungslos und grenzenlos liebt kann den Schmerz zutiefst verstehen.

Er möchte jedem Menschen begegnen und ihn mit allem versorgen, was er braucht.

TearFund Schweiz: www.tearfund.ch

Nacht ohne Dach: www.nachtohnedach.ch

Hier der Text zu «Wer weiss, wases wüekli bedüetet?»

Wer weiss, wases wüekli bedüetet chank z'si,
agsteckt z'si, total isoliert z'si?

Wer weiss wases heisst, de Job z'verlüre,
d'Familie nüm chöne z'versorge, das'd nur na chasch hüle.

Wer kännt de Moment vo totaler Überforderig,
s'System am Arsch und kei Chance uf e gueti Versorgig.

Ich weiss nöd, wases wüekli bedüetet.

Wer weiss, wases wüekli bedüetet heimatlos z'si,
uf de Flucht z'si, vo allne Siite bedroht z'si?

Wer weiss wases heisst kei Perspektive z'ha,
vo eim Ort an andere z'gah und doch vo niemertem im Fride glah?

Wer kennt de Moment, wän'd nöd weisch wie's wiiter gaht,
au wän's uf de Mänscherächtsverpflichtige staht,
es chut kei Hilf wo dich wüekli Läbe laht.

Ich weiss nöd, wases wüekli bedüetet.



tearfund.ch

Hinsehen. Handeln.

Wer weiss, wases wüerkli bedüetet im Chrieg z'si?
konstant bedroht z'si, i Läbesgfahr z'si?
Wer weiss wases heisst mit Hunger z'läbe,
jede einzeln Rappe z'wäge und dini egete Chind nöd chöne z'pfläge?
Wer kännt de Moment wän dini Liäbste mönd sterbe,
nöd wägem Alter, sondern wäg eme Konflikt wo du musch erbä.
Ich weiss nöd, wases wüerkli bedüetet.

Wer weiss, wases wüerkli bedüetet versklaft z'si,
usbüetet z'si, ohni Würde und Recht z'si?
Wer weiss wases heisst zwunge werde zum schaffe,
en Job wo die fertig macht und behandelt wirsch wie Affe.
Wär kännt de Moment, wo's kein Uswäg git,
in Ungrächtigkeit gfange, alles um dich ume richtige Shit.
Ich weiss nöd, wases wüerkli bedüetet.

Und so stah si da, die Wält in Träne,
niemert chan so richtig mitfühle,
will de egeti Schmerz überdeckt wird mit Lüge
Doch eine weiss wüerkli, wases bedüetet

Er weiss wases bedüetet verlasse z'si,
unschuldig verurteilt z'si und in Todesangst z'si.
Er weiss wases heisst z'flüchte,
bedroht und ablehnt z'werde.
Er kännt de Moment vo unerfüllte Sehnsucht,
Herzschmerz und Betrug.
Er weiss, wases wüerkli bedüetet.

Drum killt's ihn umso meh,
das sich die Wält nöd a ihn wändet,
so vil probiereds sälber,
obwohl er immer wider sini Gnad und Barmherzigkeit sändet.
«Wän weiss sie echt, wie vil sie mir wüerkli bedüetet?»

Text von Sandra Gerber / TearFund Schweiz. Publikation erwünscht, aber erst
nach erfolgter Freigabe: georg.rettenschacher@tearfund.ch